



29 Jun 2021
29 June 2021
P.U. (A) 282

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGECUALIAN) (NO. 6) 2021

INCOME TAX (EXEMPTION) (NO. 6) ORDER 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

PERINTAH CUKAI PENDAPATAN (PENGECUALIAN) (NO. 6) 2021

PADA menjalankan kuasa yang diberikan oleh perenggan 127(3)(b) Akta Cukai Pendapatan 1967 [*Akta 53*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengecualian) (No. 6) 2021**.

(2) Perintah ini berkuat kuasa mulai tahun taksiran 2021 hingga tahun taksiran 2023.

Tafsiran

2. Dalam Perintah ini—

“Suruhanjaya Sekuriti Malaysia” ertinya Suruhanjaya Sekuriti Malaysia yang ditubuhkan di bawah seksyen 3 Akta Suruhanjaya Sekuriti Malaysia 1993 [*Akta 498*];

“syarikat yang layak” ertinya suatu syarikat yang—

(a) diperbadankan di bawah Akta Syarikat 2016 [*Akta 777*];

(b) bermastautin di Malaysia; dan

(c) memegang suatu Lesen Perkhidmatan Pasaran Modal di bawah Akta Pasaran Modal dan Perkhidmatan 2007 [*Akta 671*] untuk menjalankan perniagaan yang disebut dalam subperenggan 3(1).

Pengecualian

3. (1) Menteri mengecualikan suatu syarikat yang layak daripada pembayaran cukai pendapatan dalam suatu tempoh asas bagi suatu tahun taksiran berkenaan dengan pendapatan berkanun yang diperoleh daripada suatu perniagaan menyediakan perkhidmatan pengurusan kumpulan wang kepada amanah perniagaan atau amanah pelaburan harta tanah di Malaysia.

(2) Pengecualian yang diberikan di bawah subperenggan (1) hendaklah tertakluk kepada syarikat yang layak mendapatkan perakuan tahunan daripada Suruhanjaya Sekuriti Malaysia bahawa syarat yang berikut telah dipenuhi iaitu syarikat yang layak—

- (a) menyediakan perkhidmatan pengurusan kumpulan wang kepada amanah perniagaan atau amanah pelaburan harta tanah di Malaysia menurut prinsip Syariah;
- (b) mempunyai sekurang-kurangnya dua orang pekerja sepenuh masa di Malaysia yang salah seorang daripada pekerja itu memegang suatu Lesen Wakil Perkhidmatan Pasaran Modal di bawah Akta Pasaran Modal dan Perkhidmatan 2007; dan
- (c) melakukan perbelanjaan operasi tahunan sekurang-kurangnya dua ratus lima puluh ribu ringgit (RM250,000.00) di Malaysia.

(3) Bagi maksud subperenggan (1)—

- (a) “pengurusan kumpulan wang” mempunyai erti yang sama yang diberikan kepadanya di bawah Akta Pasaran Modal dan Perkhidmatan 2007;
- (b) “amanah perniagaan” mempunyai erti yang sama yang diberikan kepadanya di bawah Akta Pasaran Modal dan Perkhidmatan 2007; dan